

COMUNU DE FURTEI

PROVÌNCIA DE SU CAMPIDANU DE MESU

**BANDU DE CUNCURSU PO DONAI UNU CONTRIBUTU PO IS SPESAS DE VIÀGIU
ARRISERVAU A IS SCIENTIS DE IS SCOLAS SEGUNDÀRIAS SUPERIORIS PARIFICADAS O
ARRICONNOTAS A MANERA LEGALI PO S'ANNU SCOLÀSTICU 2011/2012**

SU RESPONSÀBILI DE SU SERVÌTZIU

FAIT SCIRI

ca a manera cunformi de sa deliberatzioni de sa Giunta Comunali n. 077 de su 20.07.2010 e de sa determinatzioni cosa sua n. 479 de su 05.07.2012 e de s'Arregulamentu Comunali est obertu unu cuncursu po donai contributus po is spesas de viàgiu, po unu tanti in totu de €. 10.000,00, po is scientis chi faint is scolas segundàrias superioris, parificadas o arriconnotas a manera legali, me in s'annu scolàsticu 2011/2012.

RECUISIUS DE PARTECIPATZIONI:

Podint partecipai a su cuncursu is scientis, residentis me in su territòriu Comunali de FURTEI ca apant **frequentau a manera regolari** me in su cursu de s'annu scolàsticu ca narat su bandu, scritus in Scolas Pùblicas, parificadas o a manera legali arriconnotas a classis me in su setori de s'istruzioni Segundària Superiori e Artistica, postus puru is Conservatòrius de Mùsica e is cursus po Mannus.

TEMPUS DE PRESENTATZIONI DE IS PREGUNTAS:

**SU TEMPUS DE PRESENTATZIONI DE SA PREGUNTA ACABAT SU 08 AUSTU 2012 A IS 11.00 -
CUSTU TEMPUS EST FIRMU.**

**IS PREGUNTAS S'ARRICINT ME IS UFÌTZUS COMUNALIS totus is dis ferialis (sàbudu bogau) de is
08.00 a is 11.00 e su martis de is 15.30 a is 18.00.**

**IS INFORMUS CHI SERBINT ANT A PÒDIRI ÈSSIRI PREGONTADAS A S'UFÌTZIU SEGRETERIA
COMUNALI.**

Su responsàbili de su procedimentu est sa Sen.ra Torlini Maria Teresa, Ufitziu Segreteria.

ISTÀNTZIA:

Me in s'istàntzia de partecipatzioni, fata segundu is artt. 46 e 47 de su D.P.R. N. 445/2000, fata cun su mòdulu apariciu de su servìtziu, chi si donat me is Ufitzius Comunalis, firmau de su babu o de sa mama o chi scienti de prus de 18 annus de issu etotu, depit èssiri dichiarau asuta sa responsabilidadi cosa sua:

- Sa frequèntzia e sa classi frequentada, me in s'annu scolàsticu 2011/2012;
- Sa situatzioni econòmica rilevada po mèdiu de s'ISEE.

ALLIÒNGIUS:

A sa pregunta ant a dèpiri èssiri alliongiaus:

1. atestatzioni de s'ISEE de su nùcleu familiari determinau segundu su rèditu de s'annu 2011*.

*** No ant a pòdiri tènniri su rimbursu de is spesas de trasportu is scientis chi funt in nùcleus
familiaris innoi su rèditu I.S.E.E. siat prus de € 14.650,00.**

ARRIMBURSU

FÀSCIA A ISEE de € 0 A € 3.500 100%
FÀSCIA B ISEE de € 3.501 A € 6.000 75%
FÀSCIA C ISEE de € 6.001 A € 10.000 50%
FÀSCIA D ISEE de € 10.001 A € 14.650 40%

S'arrimbursu at a èssiri cuantificau segundu sa spesa de s'abonamentu sustènnia po pigai is mezus de linea ordinària e in relatzioni a s' Istitutu de istruzioni prus acanta a su Comunu. Chi amancant o ci funt in prus fondus a dispositzioni, su contributu de donai a dònna scienti, at a èssiri abasciau o amanniau is proportzioni paris.

GRADUATÒRIA

Sa graduatòria provisòria at a abarrai apicada po 15 dis a s'albu pretòriu de su Comunu. In s'interis de su tempus chi est apicada is intaressaus tenint facultadi de presentai arricursu scritu, in paperi sèmplici, a su responsàbili de su servìtziu, ca providit a s'esàmini insoru e si pronuncia in merito.

BOGADURAS:

Su Responsàbili de su servìtziu pustis indicatzioni de su Responsàbili de su procedimentu at a dispòniri in dònna momentu sa bogadura de su cuncursu de is istàntzias no idòneas, in particolari de chini:

1. a is cuntrollus arrisultit de airi donau dichiaratzionis falsas*;
2. no tèngiat is recusius preguntaus;
3. apat presentau sa pregunta pustis is tempus previdius.

SI PRECISAT CA CHINI AT A DONAI DICHIARATZIONIS CA, PUSTIS VERIFICA, ARRISULTESSINT FALSAS O CONTRADITÒRIAS, IN PRUS DE SU ÈSSIRI BOGAU DE IS BENEFICIUS, AT A ÈSSIRI DENUNCIAU A IS AUTORIDADIS CUMPETENTIS E PUNIU SEGUNDU SU CHI NARAT SU CÒDICI PENALI E IS LEIS SPECIALIS PO SA CHISTIONI.

INFORMATIVA ART.13 D.Lgs. 196/2003 (Còdici in chistioni de protetzioni de is datus personalis):

Is datus dichiaraus ant a èssiri manixaus po su cuntrollu formali e sostantziali de is autocertificatzionis fatas e po cussu scopu podint èssiri naraus a is Ufitzius Finanziàrius, a s'anàgrafi tributària, a sa politzia tributària, a is bancas pùblicas e privadas, e a sa Regioni Autònoma de sa Sardigna.

Po su chi narat su D.Lgs. 196 de su 30.06.2003, su chi preguntat dichiarat de sciri ca sa pregunta de servìtzius, fata po mèdiu de s'autocertificatzioni, cumportat su mandai a s'enti is datus indicaus. Is datus funt destinaus a s'elaboratzioni de is proceduras de amissioni a is beneficius.

Funt pùblicos, e duncas acapiaus a sa trasparèntzia de is àutus aministrativus, is datus chi serbino po fai sa graduatòria e sa publicatzioni cosa sua: is datus anagràficus, su nùmunu de is cumponentis su nùcleu familiari conventzionali, s'indicatori econòmicu e patrimoniali.

Po su chi pertocat su manixu de is datus funt garantèssius a is intaressaus is diritus previdius de su D.Lgs. 196/2003.

FURTEI, su 09.07.2012

**SU RESPONSÀBILI DE SU SERVÌTZIU
Torlini Maria Teresa**